

Андижон архитектура-қурилиш техникуми хузуридаги Қурилиш соҳаси малакали мутахассисларини тайёрлаш марказида таълим олувчиларни аутсорсинг шартлари асосида овқатланишини ташкил этиш тўғрисидаги

## ШАРТНОМА № 02

Андижон шаҳри

2022 йил "22" апрель

«Autsorsin ta'minot» МЧЖ номидан Низом асосида фаолият юритувчи ташкилот раҳбари С.Хайдаров (кейинги ўринларда Бажарувчи аутсорсер деб аталади) бир томондан, Андижон архитектура-қурилиш техникуми номидан Низом асосида фаолият юритувчи директор И.Акбаров (кейинги ўринларда буюртмачи деб аталади) иккинчи томондан, ушбу шартномани қуйидаги мазмунда туздиик

### I. Шартнома предмети

1.1. "Бажарувчи" ўзи бажарилиши керак бўлган ва келишилган овқатланиш маҳсулотларини тайёрлаб (бажариб) беради, "Буюртмачи" эса ушбу бажарилган хизматларни ўрнатилган тартибда қабул қилиб олиб, ҳисоб китобларни амалга оширади.

№	Маҳсулот номи	Ўлчов бирлиги	Микдори	Нархи	Умумий суммаси
1	Эрталабки нонушта	сум	28698	11500	330027000
2	Тушлик (1 чи ва 2 чи)	сум	28698	15450	443384100
3	Кечки овқат	сум	28698	11500	330027000
	<b>Жами:</b>				<b>1103438100</b>

Шартноманинг умумий суммаси **1 103 438 100** (бир миллиард бир юз уч миллион тўрт юз ўттиз саккиз минг бир юз) сўми ташкил этади.

### 2. Шартноманинг қиймати ва ҳисоб-китоб тартиби

2.1. Ҳисоб китоб "Буюртмачи" томонидан пул ўтказиш йўли билан амалга оширилади.

2.2. Шартнома кучга кириб, тегишли Ғазначилик тизимидан рўйхатдан ўтгандан сўнг 10 банк иш кунида "Буюртмачи" кўрсатган хизматларни умумий суммасининг 15% ни олдиндан аванс тариқасида "Бажарувчи" нинг ҳисоб рақамига ўтказиб беради.

2.3. Қолган охириги 85 % ни "Бажарувчи" томонидан кўрсатилган хизматлар ҳисоб вароқ фактуралари асосида топширилгандан сўнг 30 кунда ўтказиб берилади.

2.4. "Бажарувчи" хизматларни 1 ой давомида тўлиқ "Буюртмачи" га етказиб беради.

2.5. Аутсорсер томонидан кўрсатилган хизматлар учун ўзаро ҳисоб-китоблар бажарилган ишларнинг йиғма далолатномаси ва расмийлаштирилган ҳисоб-фактура асосида кўрсатилган хизматларнинг амалдаги қиймати бўйича бир ойда камида бир марта амалга оширилади.

2.5. Овқатланувчиларнинг амалдаги сони ҳақидаги маълумотлар ва овқатланадиган бир кишига кўрсатиладиган хизматларнинг амалдаги нархи асосида Буюртмачи кундалик таомномага (озик-овқат маҳсулотларининг тақсимоти) мувофиқ Аутсорсер билан биргаликда ҳар ўн кунда, тўланиши лозим бўлган суммаси кўрсатилган, Аутсорсер ва Буюртмачи томонидан имзоланадиган бажарилган ишларнинг йиғма далолатномаси тузилади ва ҳисоб-фактура расмийлаштирилади.

2.6. Буюртмачи томонидан амалда кўрсатилган хизматлар нархи белгиланган тартибда расмийлаштирилган бажарилган ишлар далолатномаси ва ҳисоб-фактура олинган вақтдан бошлаб, 10 банк куни давомида Шартномада белгиланган суммадан ортиқ бўлмаган миқдорда тўланади.

### II. Томонларнинг ҳуқуқ ва мажбуриятлари

#### 2.1. Аутсорсер қуйидагиларга мажбур:

2.1.1. Таомни ва тайёр маҳсулотни сифатли тайёрлаш бўйича санитария қоидалари, гигиена нормалари, таъминот нормалари, шунингдек, Ўзбекистон Республикаси норматив-ҳуқуқий ҳужжатларнинг таом тайёрлаш ва овқатланишни ташкил этишга тааллуқли қисмларидаги талабларга тўлиқ мос келадиган Хизматларни кўрсатиши.

2.1.2. Тингловчиларнинг овқатланишини ташкил этишда тегишли сифат сертификатлари билан тасдиқланган сифатли озик-овқат маҳсулотларидан фойдаланиши.

2.1.3. Давлат стратегик захирасини янгилаши, шунингдек, Буюртмачининг бўлинмаларида етиштирилган айрим турдаги озик-овқат маҳсулотларини белгиланган тартибда харид қилиши.

2.1.4. Хизматлар кўрсатиш жараёнида Аутсорсер мазкур шартнома шартларига амал қилмасдан, овқат сифатининг ёмонлашувиغا олиб келган барча камчиликларни Буюртмачининг талаби бўйича бир кун давомида бепул тўғрилаши. Таомнинг (озик-овқат маҳсулотларининг) сифатсизлиги, таом тайёрлаш ва истеъмол қилиш жойларининг ҳолати, шунингдек, ошхона идишларининг санитария қоидаларига жавоб бермаслиги аниқланганда, Аутсорсер зудлик билан Буюртмачининг аниқланган камчиликларни бартараф этиш бўйича қонуний талабини бажариши.

2.1.5. Малакали, тажрибали, куйилган вазифани (хизматни, ишни) амалга ошириш ҳуқуқини берувчи тегишли ҳужжатлари мавжуд бўлган, шунингдек, белгиланган тартибда ва муддатда тиббий текширувдан (кўриқдан) ўтган ходимларга Буюртмачи билан келишган ҳолда таом тайёрлаш жараёнига рухсат этиши.

2.1.6. Ходимлар зиммасига Буюртмачининг ҳудудида одоб-ахлоқ қоидаларига, шунингдек, ички тартибга риоя қилиш мажбуриятини юклаши.

2.1.7. Хизмат кўрсатиш бўйича ишларни шахсан бажариши, мазкур Шартнома шартларини бажаришни учинчи шахсга топширмаслиги.

2.1.10. Мазкур Шартнома шартларини бажариш доирасида Буюртмачи томонидан вақтинча фойдаланишга топширилган ускуналар, жиҳозлар, идишлар, асбоблар, мебеллар, инвентарлар ва бошқалар моддий воситаларни соз ҳолда сақлаши, таъмирлаши, шунингдек, биноларни таъмирлаши.

2.1.11. Томонлар имзолайдиган тегишли қабул қилиш-топшириш далолатномасини расмийлаштирган ҳолда, Буюртмачидан биноларни (ошхона, омборхона ва бошқалар), ускуналарни, жиҳозларни, идишларни, асбобларни, мебелларни, инвентарлар ва бошқалар моддий воситаларни қабул қилиб олиши.

2.1.12. Мазкур Шартномани бекор қилиш ҳақида Буюртмачини икки ой олдин ёзма равишда огоҳлантириши, ушбу муддат тугагунига қадар эса Буюртмачи шахсий таркибининг овқатланишини узлуксиз ташкил этишни таъминлаши.

2.2. Буюртмачи қуйидагиларга мажбур:

2.2.1. Бажарилган ишларнинг йиғма далолатномаси ва расмийлаштирилган ҳисоб-фактура асосида кўрсатилган хизматлар учун амалдаги нархлар бўйича бир ойда камида бир марта Хизматлар ҳақини тўлаши.

2.3. Буюртмачи қуйидаги ҳуқуқларга эга:

2.3.1. Аутсорсернинг фаолиятига аралашмаган ҳолда, бажарилаётган Хизматларнинг юритилиши ва сифатини исталган вақтда текшириш.

2.3.2. Шартномани бекор қилиш тўғрисида 10 кун олдин Аутсорсерни ёзма равишда огоҳлантириш, бунда кўрсатилган хизматларнинг қийматини белгиланган тартибда тўлаш.

2.3.3. Мазкур шартнома шартлари бажарилмаганлиги натижасида етказилган зарарни қопланишини "Бажарувчи" дан талаб қилиши ҳуқуқига эга;

#### **IV. Томонларнинг жавобгарлиги**

4.1. Аутсорсер шартнома мажбуриятларини ўз вақтида бажармаган ҳолларда, Буюртмачига муддати ўтказиб юборилган ҳар бир кун учун мажбуриятнинг бажарилмаган қисмининг 0,5 фоиз миқдорида пеня тўлайди, бунда пенянинг умумий суммаси кўрсатилмаган хизматлар ойлик нархнинг 50 фоизидан ошмаслиги керак.

4.2. Пеня (жарима) тўлаш Томонларнинг зиммасидаги мажбуриятларини бажаришдан ёки бузилишларни бартараф қилишдан озод этмайди.

4.3. Мазкур Шартнома шартларининг бажарилмаслиги ёки тегишли даражада бажарилмаслиги учун Томонлар Ўзбекистон Республикасининг Фуқаролик кодекси талабларида, "Хўжалик юритувчи субъектлар фаолиятининг шартномавий-ҳуқуқий базаси тўғрисида"ги Ўзбекистон Республикаси Қонуни ҳамда Ўзбекистон Республикасининг бошқа норматив-ҳуқуқий ҳужжатларида назарда тутилган жавобгар бўладилар.

4.4. Томонларнинг Мазкур Шартномада назарда тутилмаган жавобгарлик чоралари Ўзбекистон Республикаси ҳудудида амалда бўлган фуқаролик қонунчилиги нормаларига мувофиқ қўлланилади.

## V. Мунозарали вазиятларни ҳал этиш тартиби

5.1. Мазкур Шартномани бажаришда юзага келиши мумкин бўлган низолар ва келишмовчиликлар имкон қадар Томонлар ўртасида музокара ўтказиш йўли билан ҳал этилади.

5.2. Низолар ва келишмовчиликларни Томонлар ўртасида музокара ўтказиш йўли билан ҳал этиб бўлмайдиган ҳолатларда, Ўзбекистон Республикаси қонунчилигида назарда тутилган келишмовчиликларни судда нолдан бартараф қилиш тартиб-таомили амалга оширилгандан сўнг улар Ўзбекистон Республикаси қонунчилигида белгиланган тартибда судга кўриб чиқиш учун берилади.

## VI. Форс-мажор ҳолатлар

6.1. Томонлар мажбуриятлар қисман ёки тўлиқ бажарилмаганлиги учун, агар бундай ҳолатлар енгиб бўлмас куч, яъни табиий офатлар, табиий ва техноген тусдаги фавқулодда ҳолатлар ва алоҳида давр оқибати ҳисобланса ва давлатнинг тегишли органлари томонидан тасдиқланса, жавобгарликдан озод қилинади. Бунда мазкур шартнома бўйича мажбуриятларни бажариш муддати мутаносиб равишда ушбу ҳодисалар рўйберган муддатга сурилади.

## VII. Яқунловчи қоидалар

7.1. Ушбу Шартномага ҳар қандай ўзгартириш ва қўшимчалар фақат улар ёзма шаклда расмийлаштирилиб, Томонларнинг ваколатли вакиллари томонидан имзолангандан сўнг ҳақиқий ҳисобланади. Мазкур Шартноманинг барча иловалари унинг ажралмас қисмини ташкил этади.

7.2. Томонларнинг ҳеч бири мазкур Шартнома бўйича ўз ҳуқуқ ва мажбуриятларини бошқа Томоннинг ёзма шаклдаги розилигисиз бирор бир учинчи томонга бериб юбориши мумкин эмас.

7.3. Ушбу шартнома икки нусxada тузилган. Иккала нусха айнан бир хил бўлиб, бир хил юридик кучга эга. Томонларнинг ҳар бирида мазкур Шартноманинг бир нусхаси бўлади.

## VIII. Шартноманинг амал қилиш муддати

8.1. Ушбу шартнома имзоланган пайтдан ва худудий ғазначилик булими рўйхатидан утган кундан бошлаб кучга киради ва 2022-йил 31-декабрь кунига қадар амал қилади.

## IX. Томонларнинг манзили ва банк реквизитлари

### "Буюртмачи"

Андижон архитектура-қурилиш техникуми  
Андижон ш. Халка йули кучаси 2-уй  
шхв:401010860034017092904130001  
ИНН:201532771, МФО: 00014  
ОКОНХ:92120  
Ўзбекистон Республикаси Молия Вазирлиги  
МБ ББ ХКМ Тошкент шаҳри  
Х/р: 23402000300100001010  
Тел.74-223-81-07

### "Аутсорсер"

"Autorsin ta'minot" МЧЖ  
Андижон шаҳар Тошкент кўчаси 45 уй  
х/р: 20208000805475391001  
МФО: 00074  
ИНН: 309173443  
Миллий банк Андижон вилояти булими  
Тел: +998-93-441-54-44



И.Ақбаров



С.Хайдаров

Юрист:

*[Handwritten signatures in blue ink over the stamps]*